



Comissão de Saúde, Segurança Sociale Igualdade de Género

Relatóriu vizita fiskalizacao ba Tibar, Munisipiu Liquisa

I. INTRODUSAUN

1. Enkuadramentu Legal

Comissão de Segurança Sociál e Igualdade de Género halao vizita fiskalizacao bazeia ba art. 92, art. 95, n.º 3 alínea e), kombinadu ho art. 145 n.º 3) husi Konstituisaun RDTL, no mos bazeia ba art. 35 alínea c), art. 79 alínea f) husi Rejimentu Parlamentu Nasionál.

Vizita ne'e realiza bazeia ba deliberaun Komisaun iha loron 11 Marsu 2020, no audiéncia Komisaun ho Ministra Saúde Interina ho liña Ministeriais nudar mos Komíte kona-ba Kontrolu no Prevesaun ba moras hada'et "corona vírus-COVID 19".

2. Objétivu

Objétivu husi fiskalizacao ne'e mak atu observa diretamente fatin karantina no izolamentu ba kontrolu no prevensaun pasiente ne'ebé infetadu vírus corona.

3. Area tematika Komisaun

Konforme iha aneksu I, Deliberaun Parlamentu Nasionál nú. 2/2018, 27 juñu, hodi konstitui Komisoens Especializadas Permanentes no defini área de kompetensia ba Komisaun F:

- a. Saúde
- b. Seguransa Sosiál;
- c. Labarik sira, terseira idade no sidadaun portadores de defisiensia;
- d. Kombatentes luta ba libertasaun nasional;
- e. Igualdade Jéneru no la diskriminasaun.

4. Métopu Fiskalizaun

Metopu fiskalizaun ne'ebé mak uza durante halao vizita de traballu iha Tibar, Munisipiu Liquisa, ho métopu:

- Dialogu no reuniaun ho Responsavel Ministerias ba assuntu Kontrolu no Prevensaun Corona Virus;
- Observasaun ba Instalasaun Sentru izolamentu COVID-19;
- Halao dialgu ho Komunidade iha fatin refere "Tibar".

5. Komposisaun Delegasaun

Membrus Komisaun sira-ne'ebé kompoin iha vizita de-traballu ida ne'e kompostu husi:

1. Dep. Maria Gorumali Barreto (Prezidente Komisaun)
2. Dep. Noé da Silva Ximenes (Vice-Prezidente)
3. Dep. Lusia Taeki (Sekretária)
4. Dep. Helena Martins Belo (Membru)
5. Dep. Felix da Costa (Membru)
6. Dep. Cidália Mesquita Ximenes (Membru)
7. Marta Corte Real (Analista Orsamentu)
8. Paulo da Costa Nunes (Tekniku Komisaun F)
9. Ana Isabel (Assesora)
10. Eskolta PNTL nain 1

II. ATIVIDADES NO RESULTADUS VIZITA FISKALIZASAUN

2.1. Vizita Instalasaun Sentru Izolamentu ba Moras Corona-Virus - COVID 19.

Quarta-feira, 11 Marsu 2020, Komisaun desidi hodi halao vizita de observasaun ba fatin Prevensaun no Izolamentu ba moras COVID-19, ne'ebé lokaliza iha Tibar, Munisipiu Liquisa. Iha vizita ne'e Membrus Komisaun orserva katak:

1. Servisu Lojistika husi Ministériu Saúde oras ne'e dadaun halo hela rehabilitasaun ba Uma 7 (hítu) ne'ebé iha Tibar. Uma 5 ho total kuartu 11 sei utiliza ba fatin karantina no izolamentu ba pasiente sira-ne'ebé karik infetadu ba moras COVID-19 no Uma 2 destinadu ba Medikus sira.
2. Iha mos Tendas 2 preparadu ba fatin izolamentu pasiente no sei hetan tan aumentu kuantidade tendas (50) husi Organizasaun Mundial Saúde/WHO.
3. Laiha servisu mutua entre liña ministeriais ba fatin karantina no izolementu.
4. Entrada ka dalan atu asesu ba Fatin izolamentu iha kondisaun la diak (Tahu) no difikulta assesu transporte.
5. Komisaun Kordenasaun Interministerial (KKI) ba COVID-19 la envolve Ministériu Obras Públikas no MSSI.

2.2. Dialogu ho Komunidade Tibar

Depois de halao tiha vizita observasaun ba fatin Izolamentu no Karantina ba COVID-19, Prezidente Komisaun kontinua halao dialogu ho Komunidade Tibar ne'ebé halo protestu ba lokalizasaun COVID-19, ho ezijensia hanesan tuir mai ne'e:

1. Husu ba Governu Sentráli liu-liu Ministériu Saúde atu tetu didiak desizaun kona-ba instalasaun Sentru Prevensaun no Izolamentu ba COVID-19.
2. Ezizi ba Estadu (Governu no Parlamentu Nasionál, atu lalais solusiona ba preokupasaun Komunidade Tibar kona-ba Issu COVID-19, ne'ebe oras ne'e sai ona issu global.

3. Husu ba Estadu atu halo atuasaun rigorozu ba entarda no saída sidadaun estrangeira no sidadaun nacionais hodi evita tramisaun COVID-19 ba Timor-Leste.
4. Husu Autoridade Munisipiu Liquisa atu labele autoriza ka simu ba instalasaun fatin izolamentu COVID-19 iha kualker área Munisipiu Liquisa.
5. Husu ba Ministeriu Saude atu sosializa ba Komunidade kona-ba COVID-19, atu-nune'e Komunidade bele iha koñesimentu.
6. Laiha koordenasau husi Ministeriu Saude ho Autoridade Lokal sira konaba fatin karantina no izolamentu moras COVID-19 iha Tibar.
7. Husu ba Governu atu tetu no konsidera Komunidade ninia ezijénsia hodi bele fó solusaun ba situasaun ida-ne'e no bele buka fali fatin seluk ne'ebé do'ok husi Komunidade hodi instala Sentru Izolamentu ba COVID-19.
8. Husu ba Sekretáriu Estadu Arte no Kultura no konvoka "Lia Nain" husi Munisipiu 13 hodi halao serimonia kultural ba prevensaun moras hadae't Corona Virus.

III. Konkluzau

Durante halo vizita observasaun ba Fatin karantina no Izokamentu COVID-19 iha Tibar, Komisaun konklui katak:

1. Ministériu Saúde ho Interministerial la halo sosializauan no koordenasau ho Lideres Komunitariu no Komunidade Tibar kona-ba instalasaun Sentru Izolamentu COVID-19.
2. Laiha partisipasaun maximu husi linha Inter-ministerial no la envolve mos ministério sira-seluk hanesan Ministériu Obras Públicas no Ministériu Solidariedade Social no Inclusão.

IV. Rekomendasaun

1. Rekomenda ba Komisaun Kordenasaun Inter-ministériál COVID-19, atu involve mos Ministériu Obras Públicas no Ministériu Solidariedade Social e Inclusão.

2. Rekomenda ba Komisaun Kordenasaun Inter-ministerial atu sosializa moras COVID-19 ba iha Komunitade Tibar atu sira bele iha koñesimentu kona-ba moras Corona Virus.
3. Rekomenda ba Sekretariu Estadu Arte no Kultura atu konvoka Lia Nain husi Munisipiu 13 hodi halao serimonia ritual ba prevensaun moras Corona Virus.
4. Instituisaun Governu nebee mak ezerse nia funsaun, presiza mos tau prioridade partisipasaun Komunitade Tibar.

V. Aprovasaun Relatóriu

Relatóriu vizita ne'e apresia no hetan aprovasaun iha sede Komisaun loron 24 fulan Junu tinan 2020, ho votus favorável 6 kontra 0 no 0 abstensaun.

Prezidente Komisaun,

Relatóra,

Noé da Silva Ximenes “Buka Tuir”

Helena Martins Belo